

明清嘉定州志

毛郎英標點

清·張能鱗

彭欽鬚

明·李采

範醇敬鬚

《明清嘉定州誌》

明·李 采 範醇敬贊

清·張能鱗 彭 欽贊

毛郎英標點

開本:1194×846 毫米 1/32 印張:5

字數:140 千字 印數:1-300 冊

版次:2008 年 6 月第 1 版

書號:樂內印[2008]36 號

印刷:樂山日報社印刷廠

內部資料性出版物(圖書)準印號 36 號

內部資料,引用本書,務必註明出處

謹以此書獻給先父毛西旁誕辰八十周年

嘉定州誌目錄

嘉定州誌序	(一)
修嘉定州誌序	(一)
序	(二)
凡例	(三)
目錄	(四)
嘉定州誌卷之一	(七)
天文誌	(七)
星堦	(七)
地裏誌	(八)
沿革	(九)
疆域	(一一)
形勝	(一二)
山	(一五)

水	(一四)
壩	(一六)
水利	(一七)
名洞	(一八)
嘉定州誌卷之二	(二一)
建設誌	(二一)
公署	(二二)
城池	(二三)
街道	(二四)
坊鄉	(二五)
舖捨	(二五)
橋樑	(二五)
市集	(二六)
寺觀	(二七)
祠廟	(三〇)
秩官誌	(三一)
道	(三二)
知州	(三四)

同知		(三七)	嘉定州誌卷之四		(七八)
判官		(四〇)	名賢		(七八)
吏目		(四三)	質正議埒		(八二)
遷客		(四五)	隱逸		(八二)
學正		(四六)	方外		(八三)
訓導		(四七)	列女		(八四)
嘉定州誌卷之三		(四九)	賦役誌		(八六)
人物誌		(四九)	嘉定州誌卷之五		(九五)
名宦		(四九)	物產誌		(九五)
質正議埒		(五四)	風俗誌		(一〇〇)
賢師儒埒		(五九)	冠		(一〇〇)
補遺名宦		(六〇)	婚		(一〇〇)
科		(六〇)	喪		(一〇〇)
明武科		(六七)	祭		(一〇〇)
貢		(六八)	歲時		(一〇一)
封		(七六)	雜収誌		(一〇三)
蔭		(七六)	嘉定州誌卷之六		(一〇八)
例貢		(七七)	藝文誌		(一〇八)

文類·····	(一〇八)
嘉定州誌卷之七·····	(一二九)
嘉定州誌卷之八·····	(一五九)

詩·····	(二五九)
對聯·····	(二七八)
標點後記·····	(一八三)

嘉定州誌序

《嘉州誌》自癸亥（一五六三季）歲重修，踰五十載，無論體裁何似，即後來需載亦多矣。適今辛亥（二六一一季）之春，吾李侯政通人和，迺議此舉，且亦先守，今巡舒、孫兩使君意也。一日過醇，與毓宗而屬之曰：『以煩二子。』嘗王太史方偈簡書，惟醇寡昧，又瑩瑩在疚，不堪載筆。辭不獲，遂吮毫從事，茫如也。會何生龍圖以成化（一四六五季）——一四八七季）《誌》來，查蝕過半。安生惟山、蔡生選繼出嘉靖辛卯（一五三二季）《誌》。公嚴有體，第不無居簡行簡之意，且人物、沿革，又微有舛牾，顧亦駸駸可因矣。而私心終疑信半，又苦無載籍可攷，索之膠鬲廚書中，至緊關者，輒脫落不可復問。於是命兒雋徧蒐藏書，取其稍可紀者，著於篇。竊惟郡邑之乘，方之國史，具體而微，然可以做，可以無做，大要繁簡適中，頭緒整潔而止。醇非其人，竊有慕焉。受役以來，矢公矢慎，其備一種，用俟後來，亦何敢妄自菲薄，以羞前喆乎？惟是言之不文，載之不盡，則冀

兒僻市眼界迺爾。若曰易米受金而已，即有死不可。昔萬歷三十有九季歲次辛亥（一六一一季）端陽日，賜進士第、通議大夫、南京禮部右侍郎、前詹事府詹事兼翰林院侍讀學士、郡人範醇敬葆元手撰，子廩生得雋書。

修嘉定州誌序

夫《誌》於郡，猶之乎史於國。史，大域中之一，《誌》亦宜然。所以粹擷故實，旌別淑慝，標往昔而詔來茲，非苟而已也。故其蒐輯愆該，備大觀也。不則一目張羅，寸筵起音耳，將管見窺聞者遺。其品覈慾精，昭實錄也。不則昭明埒鳳、騶虞疑虎耳，將貴耳信目者惑。顧該且精，非博雅君子，孰能立言而不朽乎。

嘉爲古名郡，其山水之勝甲天下，從古記之。今觀翼然壁立於西北者，高標聳也；翠然屏列於東南者，九峯出也；屹然砥柱於中流者，青衣峙也；潏沆浩渺，分源合流如玉虹素練，汨汨東下者，三江逝也。以若明秀清傑之氣，鬱紆磅礴，擅美金天。其祈

苞孕者、招徠者、佈瀟流衍者，當必瑰瑋琦琬，覓絕殊異。而物華人文，非方輿之可數數見也，此豈裨官小乘之所能當乎？

嘉舊有《誌》，絕筆於嘉靖癸亥（一五六三季），無論其中郢書鸛說、周璞鄭寶，即數十季來地裏之遷仍，建設之廢立，官寮之或臧或否，人物之或謝或興，戶口賦役風俗之或衰或盛，或重或輕，或澆或淳也，茫乎不知畔岸，浩乎不得津涯。倘《誌》之不修，泯泯冥冥，後何質耶？大參玄渚舒公，嘗有志乎其誌，檄予董其事，未幾以艱去。兵憲心易孫公繼有志乎其誌，亦檄予董其事。予敢不祗厥命，迺造範、王二太史之廬請焉。二太史惠高月旦，學富石仞，所謂博雅其人，可誌也。無何，王太史假滿人中祕，獨範太史一人任之。口不言勞，力則有餘。爐錘傳紀，印證心目。繆者剔之，譌者釐之，蕪者刪之，缺者補之。《誌》成，予見其簡而確，婉而真，遂而多，風於所謂遷者、仍者、廢者、立者、臧者、否者、謝以興者、衰以盛者、重輕而淳澆者，如指諸掌。該與精兩得之

矣，良史良苦心哉！後有作者，得是《誌》而存之，奚玆記事之珠，實指南之車歟！

賜進士出身、嘉定州知州、關中李采撰。

序

郡縣各有《誌》，《誌》古也。吾嘉自安先生磐始《誌》之。後範公醇敬鑒修，距今五十餘季。時移互異，今昔互殊。國朝御極以來，革故鼎新，與天下更始，舊《誌》豈能典要。又往者獻逆肆虐，塗炭生靈，在在滄桑，匪嘉一隅。以今茲之勢，按之昔《誌》所載，霄淵迥隔。

少參張公銜命鎮撫川南，節駐吾嘉。下車之日，目擊其景，愀然恫瘝於懷也。費盡心血，從頭料理，謂食者民之天。水利不興，土穀何資，多方設法，修濬牛特諸堰，以溉南園數十裏之田。逃民爭回復業，而民生以遂。湯火之餘，禮教未嫻。捐俸葺聖殿，建明倫堂，講學課士，人文漸起。走人白下購經史數百卷，以惠來學，熙皞弦誦。內政釐舉，則念及行旅之艱難，問境內之橋樑而注意焉。如張公橋，急水湍

流，伐石構屋，建長虹其上，逶迤堅固，民未病涉也。修舉廢墜，鉅細緩急，各以其序，皆從來未嘗有，而自今不可無者。諸不具論，舉其大者而已。

公起家名進士，弘纔博學，於書無所不窺，解中卷帙，積可充棟。凡所經營，必則古昔。每覓嘉《誌》爲質，而兵火之後，災及黎棗。一日，得抄本，示余曰：「此碩果之未盡者乎？子急爲釐正。」顧余何人，敢膺茲任，狀終辭未剋。抄寫脫悞，譌謬相傳，魚魯之弊，固所未免，因訂之，付剞劂之手。踵事增美，豈無安、範其人者出乎？敬俟後之君子。

皆大清康熙丁未（一六六七季）歲季夏之吉，原任陝西神木道按察司副使、郡人彭欽頓首拜撰。

凡例

一誌於列欸中，編年，凡事文一以代次爲序，庶便觀覽，無前後錯出之弊。

一誌書開欸，多則易混，故宜從省而類附，如名宦、封秩、官、科、貢等項，盡之「人」「人」字，萬本無，據原本補，物有何不可。

一名宦人物所僭削者，恐見以爲擅而無據，故附質正，議以明之。

一名宦見在仕途，及鄉先達，身曾週旋，併子若孫，通籍相友善者，似涉貢諛，且不敢錄。夫醇何足言，恐未必爲賢者重耳，以俟後之良史。

一橫誌所載，何者非古蹟也，而更有古蹟乎？故省此一欸。

一坵墓系古人者，附見各地名。今人方講求風水，遷改未定，姑需之。計二、三十季後，當有重記者矣。

一郡誌原非家乘，凡私文之類，俱不載。

一流庸既非宦，又非鄉，無處可附。慾單一欸，又苦不多。且其中有監臨者，偶按部而遊覽，又非尋常僑居，過客之比，故收雜誌以存之。

一典禮，天下公共，非一郡之私，及人員常額亦然，業已昭垂，無庸載筆。

一雜誌，若無倫次，然亦默有倫次，覽者應自得

一凡切於民生日用者，雖細必詳，如市集、物產之類是也。或偶興而終廢者，雖鉅必畧，如牌坊之類是也。且其題朝更夕易，將何所據而書之乎？

一詩文蒐其有關係者，或古人遺蹟，竊恐久而就湮，不忍不錄，以存文獻。若新刻《二山誌》，容〔容〕字，康本無，有收錄未盡者，簡其雅醇，亦都載入。大抵多弘，正以前先輩，畱心風雅，足示後學，及今不收，必將散佚，吾輩之責也。此外，則《二山誌》且〔且〕字，康本作〔具〕字，在，不必重刻。

一彭先生汝實序安《誌》云：『三長之外，更有一公。』醇何人斯，敢望前輩。然既辱在史筆，亦自有不容不公者。故即醇之先人與其身，亦未嘗敢私一字，此其志，差可憫矣。賢者應能見諒。

目錄

誌凡拾

天文

地裏

建設

秩官

人物

賦役

物產

風俗

雜収

藝文

卷凡捌 以簡帙適均爲分

卷之一

天文至地裏

卷之二

建設至秩官題名

卷之三

名宦至科貢等項題名

卷之四

名賢至賦役

卷之五

物產至雜収

卷之六

文類上

卷之七

文類下

卷之八

詩 對聯增

總計

名宦叁拾有柒人

名賢拾有捌人

隱逸肆人

方外叁人

列女玖人

流寓拾有式人

文類長短共肆拾有伍篇

詩類古今共壹佰伍拾首

對偶拾聯

按：此地文獻闕如，良由石不堅而泐，地避遠而無紀也。如高纔卿、張嘉州者，蘇、黃皆贈之詩，而

政績無攷。張且併其名不傳。又如員興宗，不審何以在朝霞洞中？詩盡可傳，傳其詩而已。

國初之程鼎、夏宏兩君子，昧其詩，文雅風流，亦非凡品。諸《誌》皆不載其爲何官？詩意當是廣文，但不知其官何地？如此類者尚多，後視今，猶今視昔，可不及時而記哉，增告後之君子。

目錄

誌凡拾

天文

地裏

建設

秩官

人物

賦役

物產

風俗

雜收

藝文

卷凡〔五〕〔五〕字，據康本目錄補

卷之一

天文至地裏

卷之二

建設至秩官題名

卷之三

名宦至科貢等項題名

卷之四

名賢至賦役

卷之五

物產至雜收

以下皆藝文，今舊本無存，挖《二山誌》中，蒐采遺篇，不過千百中之什一耳。

嘉定州誌卷之一

嘉定州知州李采總裁

郡人范醇敬齋修

王毓宗 羅繩全修

學正劉養棟校正

訓導李國珮 胡永昇全校

嘉定州誌卷之一

賜進士分守上川南道前儀部尚書郎西山張能鱗總裁

原任陝西神木道按察司副使郡人彭欽鬚修

嘉定州知州高仰崑全修

州判劉嘉喆 署儒學學正

劉若鵬 舉人冷然 黃道修 李果皓 季惠毛全校正

天文誌

史醇曰：以地量天，疎矣。矧夫畫地而區分之耶？近西洋圖即未可盡，憑以方於鄒子赤縣神海，又何符也。區區十有二州也，云乎哉！章亥之捷，詎窮四際，何物重黎，迺巧管窺然。歷閱事應亦各分

驗，奈何繫付之繆悠乎？嘉州蜀望郡，跨有六邑，經緯凡數百裏，有主捨焉。作天文誌。（康本補）（張西山曰：大哉！乾元萬物，資始迺統，天是天之括地，如囊一物耳。慾以一郡邑之地，配擬天之星宿俱，倣佛依稀之辭。雖然天官家推祿日月度數分秒不爽，其星埜之分，麗當必確有定見。範公攷之既詳，天道有恆，非可以鼎革爲新論。如西洋新法，皆參易位，似亦無所用之，姑仍舊說，以俟精天文者。」）

星埜

秦曰井鬼，及至桓郎，牂柯，猶曰井鬼。彼列國中原者，一蹇足三見星，直亂其疆矣。而佔星各二之韓，且三之即鄉者，所稱赤縣中疎數，猶然不通也，何論四際哉！毋亦泥併梁於雍之說，而悞焉者也。夫地可併，天不（不）字康本作「亦」字可併耶？且其所云：「梁者，疑漢南之梁？非必《禹貢》蔡蒙旅平之梁耳。」《河圖》曰：「岷山之下爲井絡，帝以會昌神以建福，斯又譚天井者之嚆矢乎？」然唐杜光庭記：「岷山連峯接岫，千裏不絕，陰陽之間，向背

縣殊，有如太華陰而雍陽。」而《梁槩》曰：「岷山，未卜其何所指也？」太史公立掌天官者，曰：「觜觿參益州。」《春炚元命苞》曰：「觜參流爲益州。」《華陽國誌》云：「仰崇參代。」《蜀紀》云：「帝居房心，決事參伐。伐者，西主伐也。」文耀鉤云：「雍州屬魁星，魁枕參首，非益州分耶？嘉，益之近郊也。益人參一度，嘉宜次焉。」《博雅》云：「在天一度，統地二千九百三十二裏，此應以際言約畧計之。嘉距蜀都，無勞信宿，要亦未出二度者近是，於次爲實藩。十母爲戊巳，十二子爲未申交位。在後天坤，六邑差同。」《一統誌》於鬆、茂稱觜參，於龍州又云井鬼。龍州、鬆藩之東路相距不遠，何至分四星，已自矛盾。且鬆近洮州，龍近沔縣，云井鬼猶或庶幾。夫既已觜參鬆、茂矣，迺又井鬼極西南之地，則觜參何其隘，而井鬼迺能越界分屬也，殊欠商量。岷山在鬆、茂羌中，鬆、茂屬觜參，則天井之說，猶不足憑。岷山一名鴻濛，迺隴山之首，故云隴蜀。豈所謂下爲井絡者，指隴以西耶？存之，以俟精天官者。

竊謂天不可測，地則可據，以四嶽立四方，而補其四隅。益州，西南隅也。逆轉之則觜參，而井（「井」字，康本作「非」字）鬼，而柳星，張順流之則翼軫，而角亢，而氏房心，無不通者。但《史記》王（「王」字，康本作「正」字）文云：「益，而註又云魏。」何哉？星有定體，無定用，以用言，則西還應西。如晉之疆候，在參伐是也。魏分自晉，故又云魏，而貼地則在益。猶魁星屬雍，而佔候當海岱。活動莫如天庸，可以方隅滯乎？謹再議。

地裏誌

史醇曰：禹別九州，各以其山川爲綱紀。斯地裹之權輿乎！秦、漢以來置郡太疎，提封亦遠。厥後風氣，開而疆，理密界，水分山，釐然當已。顧豈人謀，實從天造。三江要會，突涌平沙，萬疊星馳，結成片局，不於北之郡，而誰郡耶？肇自玄黃之剖分，亦洵青鳥之指法。蓋餘重繭，所至見有勝此者也。是宜稱其名曰嘉州哉！作地理誌。（康本補）（張西山曰：舜分十有二州，禹併爲九州，此地裹疆域之始

也。爲蜀、爲梁、爲益，當以《禹貢》爲斷。自秦、漢、唐、宋、元、明以來，代有沿革，嘉之爲郡、爲府、爲州，已三易之。其中山川形勝，自古未改，而城隍、溪堰之興復，亭榭、橋洞之改觀，是在好學博雅之君子。因修地裏誌。」

沿革

《禹貢》梁州之域。

商、周俱爲蜀國地。按：九州之別，肇自九圍。舜分青、冀，增三州，爲十二州。厥後仍稱九州，如九圍、九有、九服，不離九也。惟是十二州之名，在《易》至相混。《爾雅》九州註，以爲商制。夫不宗夏而宗商，疑無源不列青而列營，疑無母而梁州則竟削焉？蓋此州荒僻，不以分封，不與朝會，故畧之，非併也。何以證之，《爾雅》云：「河西曰雍州。」《周官》云：「正西曰雍州。其鎮嶽山，其川涇汭猶然。」禹服何併之有？牧誓八國，總之一梁。此在商、周之際矣，故嘉爲蜀國地。

秦置蜀郡，地屬之。按：秦惠王九季（前三一六

季），司馬錯取蜀，特金牛以南路耳，今之利保是也。十四季（前三一一季），蜀相弑蜀侯，併丹、犂二國降。秦丹、犂在西南，則嘉也（「也」字，康本作「地」字），始歸。秦襄王封子煇爲蜀侯，後有申生之寃，死劍下。司馬錯復定蜀，始置蜀郡。時有守張若，則嘉又始爲蜀郡地。

漢初，仍蜀郡地。至武帝元光五季（前一三〇季），通西南夷，置犍爲郡。

《總誌》云：建元六季（前一三五季）丙午。按：是季唐蒙方食蒟（「蒟」字，康本作「鹽」字）醬，宜以元光五季（前一三〇季）辛亥爲是。史遷應不妄。自武陽而下，江陽而上，皆其地，設縣十有二，嘉爲南安縣。《水經》云：「青衣水至南安縣入於江。」則嘉即此縣。

迄東漢、蜀漢、晉、宋皆因之。按：以上歷代各有廢置，而嘉之爲犍爲郡南安縣，則未嘗改也。以今地裏度之，漢縣惟威遠分資中，榮縣分江陽，犍爲分犍道，餘皆南安也。古人郡大則縣亦大，如此東漢改

青衣縣爲漢嘉縣，今名山地。晉置漢嘉郡，與犍爲郡並列，非嘉州也。《水經》自有符縣，江水所經，今爲合江，安得云符文乎？舊《誌》未攷，大都遐陬僻壤，載籍欠詳，言人人殊。參之諸史，揆以輿圖，取其近似者紀之，以請政於博雅君子。江陽縣，今之富順。江陽郡，則爲瀘州。

梁武帝大同（五三三季——五四五季）中，置青州。嘉之爲州始此。按：《總誌》云：天監二季（五〇三季），是時衍始纂齊。益州，與魏共之，併置刺史。叛服不常，何暇爲此。此在大同（五三三季——五四五季）中，蕭紀入蜀之時，分諸州爲五品。史云：梁主（主）字康本作「上」字，方事徵伐，恢拓土宇，西開牂柯，置州紛綸，而戶口日耗矣。非此時而何？此衍之末季，旋爲宇文泰所取。言普通（五二〇季——五二六季）者，亦非是。

西魏廢帝二季（五五三季），改青州爲眉州，領縣四。時宇文泰爲政。宇文周明帝武成元季（五五九季），復爲青州。二季（五六〇季），改嘉州，領縣五。

舊《誌》云：「三季。」按：武成無三季。魏廢帝二季（五五三季）八月，蕭瑒降於尉遲迥，地歸魏（廢……魏）共十六字，康本無），距宇文毓纔四季耳，故復屬周。

隋初因之。至煬帝大業三季（六〇七季），改爲眉山郡，領龍游、平羌等八縣。是季，天下諸州皆爲郡。舊《誌》云：「隋大定八季，龍見嘉州。」隋何曾有大定季號？且《綱目》書龍見十有三，可謂備矣。而隋無聞焉。此必黃龍遊江中之說，賊莽符命時有此名，而後遂因之耳。

唐初（六一八季），復爲嘉州。天寶初（七四二季），改爲犍爲郡。乾元初（七五八季），又復爲嘉州。終唐亶不易。領玉津、綏山、羅目等八縣。

宋太祖乾惠三季（九六五季），孟蜀平，仍爲嘉州，領龍游等四縣。寧宗慶元初（一一九五季），昇爲嘉定府。開禧初（一二〇五季），又置嘉慶軍，領縣五，監一曰豐遠。主鐵冶。按：《總誌》云：「仁宗嘉祐五季（一〇六〇季），置轉運提刑等使。」而提刑治

嘉定府，不審何據？攷《宋史》，轉運即設在平蜀之季，而提刑則太宗淳化二年（九九一年）也。至神宗時，忠州團練韓存寶徵瀘，夷梓夔，訪察使熊本平渝州獠。此諸州《誌》皆以仁宗末季。府之而又何疑於嘉乎？其昇府也，則以寧宗潛邸故。見張方《沫水記》。方，是其時人。《宋史》亦云：「然。」

元立祖至元十二年（一二七五年），皆萬壽降。

置嘉定路，領邛、眉二州，龍游等六縣。舊《誌》云：

「中統元年（一二六〇年）季。」按：是時尚屬宋。

皇「皇」字，康本無。明國朝「國朝」二字，康本無。洪武四年（一三七一年），僞夏平。仍嘉定府，領邛、眉、榮三州，龍游等十二縣。九年（一三七六年），改爲州，龍游省入。邛、榮爲縣，領縣八。成化十九年（一四八三年），改邛縣爲州，大邑、蒲江隸之，止領縣六，編戶十裏，直隸佈政司。舊《誌》：「成化十四年（一四七八年）季，改邛州。」按：《邛誌》云：「十九年（一四八三年）爲是。」況成化中修《誌》者，正十四年間，與《一統誌》無異。

疆域

東至犍爲縣界五十裏，即走榮縣道也。五十裏外有犍爲，十裏及井研，十裏錯其間，迺達榮界。

西至峨眉縣界六十裏。

南至犍爲縣界僅三裏。三裏之中，犍田又與州田相錯，塍畝鱗比，而州賦數倍重於犍賦，殊不得其解。

東南至犍爲縣界僅十五裏。

北至青神縣界五十裏。

西北至夾江縣界四十裏。倣《禹貢》冀州法，以「各」「各」字，萬本無，據康本補。邑所至，即嘉全境，故於此不贅。按：六邑惟榮距州最險且遠，緩行可三日，往返倍之。而州夫馬至榮，猶榮夫馬至州也。率以爲苦，謂宜於三江鎮適中之地，量爲置馬驛，官吏移於裁冗，錢糧取諸僻協，庶兩便乎！

北至省城三百裏。至京師陸路六千裏，水路一萬餘裏。至南京陸路五千裏，水路六千裏。此其大較也。